

SG boleh main peranan bina dunia lebih kukuh, bekerjasama

SINGAPURA boleh memainkan peranan membina semula dunia dan memperkukuh kerjasama berbilang negara yang berkurangan disebabkan pandemik, kata sebuah panel pakar.

Antara anggota panel tersebut ialah ialah Profesor Joseph Liow, daripada Sekolah Pengajian Antarabangsa S. Rajaratnam (RSIS), yang berkata hubungan berbilang hala amat penting bagi dasar luar negeri Singapura.

Menurut Profesor Liow, meskipun undang-undang dan pertubuhan antarabangsa tidak sempurna, ia masih penting, terutama bagi negara lebih kecil seperti Singapura, kerana ia bertindak sebagai alat yang menjadikan hubungan dan perundingan lebih saksama.

Profesor Liow berkata demikian semasa menyampaikan hujahnya berkaitan topik hubungan berbilang hala dan kerjasama sejagat di Persidangan Perspektif Singapura, yang dianjurkan oleh Institut Pengajian Dasar (IPS).